



Continuacion di pagina B10

- Jessica Murillo-Bisbal, kende tambe ta traha pa e De Palm Corporation. Jessica tabata encarga cu e coordinacion total di tur faceta di e projecto compleho aki.

Tur empleado di construccion cu a traha duro pa caba cu e pisina, deck y structura di hunga, como tambe e companianan di afo cu na un manera of otro a contribui na e esfuerso, a wordo invita pa e evento di prueba.

Trahadonan di varios contratista, manera Atco, Hoevertsz architecture, Cerds, Unipa, Electra Spar, varios compania di contratista, Global Transport, BBC, Metalworks, Elmar, y hopi otro a bin cu nan miembronan di famia pa pasa e dia hunto cu e ekipo di gerencia di De Palm Tours y e otro empleadonan cu a traha directamente den e proyecto den e ultimo lunanan aki.

E evento a tuma un total di 4 ora di pret y e supervisornan

di construccion, Mike & Doug, a observa e accion, skirbiendo notanan pa sigura cu tur e proceduranan di e parke a wordo cumpli cune. Na final di un evaluacion cortico, e parke awo ta habri pa publico. E parke di awa ta parti di e prijs completamente inclusivo, ademas di tur e otro facilidadnan existente cu ya tabata habri. E parke di awa awo ta cla pa ofrece bishitantenan y hendenan local un manera di relaga cu actividadnan excitante y dibirtido!

E isla priva di De Palm semper a ofrece e miho luga na Aruba pa snorkeling, cu rifnan di coral bunita y bibo, yen di pisca tropical. E isla su awanan ta cas pa un cantidad di Blue Parrotfish amabel. Bishitantenan por disfruta di e playanan cu santo blanco y uza e stoelnan y camanan, cabananan, ekipo di snorkeling y haya les di snorkeling, sin

mester paga extra. Ademas di esaki, e parke di awa nobo awo a habri su portanan.

E carchi di entrada pa e isla di De Palm ta duna bishitantenan cuminda y bebida completamente inclusivo, actividadnan di entretenimento cu sistema di surround-sound, facilidadnan general, camber pa cambia paña, como tambe paseonan roundtrip riba e ferry entre e Port di De Palm riba tera principal y De Palm Island.

Tur esaki ta obtenibel pa solamente un prijs inclusivo, cual lo cambia pa un otro prijs dia 1 di juli.

E ceremonia di apertura oficial lo tuma luga ora e construccion ta completamente cla.

Potretnan ta mostra un grupo di Marina Hulandes, empleadonan di De Palm, invitadonan y nan miembronan di famia disfrutando di e awa na Blue Parrot Water Park, riba e isla priva di De Palm.

